

東

次要



敬稟者竊卑職於五月二十一日酉刻奉
 憲台札開照得江省所屬各釐卡水道程途久經本總局繪圖貼說
 刊刻頒行惟正卡與分卡枝卡東西南北方向並相距里數未及
 備載至上年各府邊要開辦統稅分局分口添設子口查驗所並
 湖口開辦進口統稅局前年初設九江保商局袁河口煤釐卡柘
 磯彭澤兩查驗卡規復德化旱卡其局口卡所分卡距正卡子口
 距分口至省相距里數及東西南北方向開辦之始稟報不盡詳
 明現經本總局將舊有繪圖重新修改付刻以符各局卡現在情
 形等因奉此卑職現將烏石門正卡及藍橋分卡東西南北方向
 並相距里數確實查明繪圖貼說另紙詳明粘呈於後肅此稟覆

伏祈

垂鑒 卑職許聯桂謹稟



光緒三十年五月

二十四

日

粘呈

- 一正卡烏石門坐西向東
- 一東至萬家山距卡七里
- 一西至夏家鋪距卡二十里
- 一南至德安縣距卡八里距藍橋卡六十里
- 一北至馬回嶺距卡二十五里
- 一分卡藍橋坐西向東
- 一東至廬山麓距分卡二十里
- 一西至雞公嶺距分卡十五里
- 一南至馬回嶺距分卡三十五里
- 一北至九江府距分卡五十里